

# Zeti nasihatkan pelabur bina kewangan keluarga

**SUNGAI PETANI** - Saham amanah adalah satu bentuk pelaburan yang berpotensi untuk membantu membina kewangan

diri dan keluarga.

Pengerusi Kumpulan Permodalan Nasional Bhd (PNB), Tan Sri Dr Zeti Akhtar Aziz berkata, pengaruh yang wujud dalam persekitaran pada waktu ini menuntut semua pihak untuk membuat persediaan yang lebih bagi memenuhi tuntutan kewangan masa depan.

“Kelalaian untuk merancang kewangan selalunya dirasai ketika tibanya waktu keperluan dana untuk membiayai peristiwa-

peristiwa penting dalam kehidupan seperti keperluan pelajaran anak-anak atau pembelian rumah,” katanya pada majlis perasmian Minggu Amanah Malaysia (MSAM) 2019 di Sungai Petani, semalam.

Acara itu diadakan di pekarangan Amanjaya Mall di sini, hingga 25 April ini.

Zeti berkata, MSAM yang bermatlamat meningkatkan kesedaran rakyat Malaysia mengenai aspek pelaburan telah menarik lebih 3.8 juta pengunjung sejak mula diadakan pada tahun 2000.

**Zeti berucap pada Majlis Perasmian MSAM di pekarangan Amanjaya Mall di Sungai Petani, semalam.**

